

Præterea Alveum habet manufactum magnorum etiam navigiorum patientem, per quem præter prædicta flumina quantam omnium rerum ab omni Orbis parte accipiat copiam, incredibile dictu est. Ex his enim in Mare patet via per alveum sive Aquæductum, qui se ad Ostium vulgo *Sas*, in Oceanum exonerat cataractis ad hanc rem stupendo artificio constructis. Decem miliaribus distat Antverpia, totidem Bruxella, Mechlinia, Middelburgo. Ambitus intra muros est 45640 pedum Romanorum: hoc est Italicorum miliarium septem. Insulas habet xxvi. Pontes majores, xcii. Molas aquarias i v. Trusatiles infinitas: centum quæ vento aguntur. Ecclesias in universum lv. Abbantias v. Cives hujus civitatis frequentia, nobilitate, opibus, animis sunt eximii. Hæc *Carolus* v Imperatorem Orbi dedit. Hæc litteris *Judocum*, *Badium*, *Joannem Cornarium*, *Levinum Brechtum*, & alterum *Levinum Torrentium*, *Balduinum Ronfaum*, *Otenborvium*, alioque protulit. Opificiorum genera in hac urbe lxxii. Textorum præterea ordines xxvi i instituti primum a Comite Balduino, filio Arnoldi Magni, Anno 10. ccc. lxxv. *Brugæ* (*Brugge*) vel a pontium frequentia nomen habent, vel a ponte *brug stock*, juxta Oldenburgum & Ardenburgum, è quarum urbium ruinis ante annos 10 ccc. prima arx Brugensis constructa est; sita est tertio milliari a Mari loco plano. Ambitus intra muros est 26600 pedum Romanorum, hoc est Italicorum mill. quatuor cum dimidio. Urbs est non Flandria tantum, sed etiam totius Belgicæ amœnissima: templa habet lx, quorum præcipuum & augustissimum est S. Donatiani, olim sacrum B. Virgini, constructum a Liderico primo Flandriæ Comite, anno 10 cxxi. Opibus in tantum floruit, ut Ioanna uxor Philippi Pulcri quum huc venisset Anno 1100 ccc i vidissetque virginum & matronarum ornatum, stupore primum, postea muliebris æmulationis æstro percita, conquesta sit, non se solam reginam esse. Opificiorum genera exercentur lxxix. Et in hac rerum copia neque flumen habet, neque Portum neque fontem. Fossa est humana ducta industria, ipsi *Reye* vocant, quæ per totam urbem divisa, ad Slusam sese exonerat in Oceanum. Et quia hæc majoribus navigiis nondum sufficiebat, aliam in longe majorem altitudinem perduxerunt, oppositisque Cataractis a Mari discluserunt. Sunt & hujus urbis Cives bello, imperio, literis celebrati. Tanta etiam olim hujus urbis in mercaturis potentia fuit, ut cum quavis alia totius Europæ urbe conferri posset. Brugenses primi Cassiterides (Hispanis *Açores*) Insulas in Oceano invenerunt, quæ propterea *Flandrica* vulgo dicuntur: iidem *Bursam* primi Mercurio sacram habuerunt, a qua postea Antverpiæ, Rhotomagi, Londini, & in aliis urbibus mutatis rerum vicibus loca mercatorum conventui destinata nomen traxerunt. *Ypra* a rivulo *Ypra* præterlabente dicta, vulgo *Yperen*, anno cmlx condita est. Hujus urbis fundus dicitur esse plumbeus, idque propter magnam plumbeorum tuborum vim, quibus aqua varie per Civitatem universam distribuitur. Atque hæc quidem sunt Urbes primariae. Portus sequuntur: *Slusa* a Cataracta nomen habet, quæ Flandris vocatur *Sluys*, urbs est maritima: Portum habet capacissimum, quo quingentæ naves commodissime recipi possunt. Ex adverso est Insula *Cadfan*, Georgii Cassandri patria. *Ostenda* ad Oceanum sita, obsidione Archiducis Alberti gravissima, quam ad annos tres & aliquot menses fortissime sustinuit, ac innumeris pæne utrinque cæsis, nobilis. *Neoportus* (*Nieuport*)

Brugæ

Ypra
Slusa
Cadfan
Ostenda